

INFORMASHON PA GARASHI

Tep pa garashi pa un medio ambiente seif

Na mart 2010 un lei tabata na vigor pa protekshon di medio ambiente serka garashinan pa nos isla. E reglanan aki ta ankrá den e dekreto kontra Molèster di Garashi Boneiru. Tur doño di garashi riba e isla di Boneiru mester atené nan mes na e reglanan aki. E kambio aki lo no eksigí masha esfuerso, i lo tin un rendimentu hopi altu pa nos medio ambiente. Ademas tur garashi lo bai traha riba un nivel mas profeshonal i bo klientenan lo apresíá kon e garashi ta kuida medio ambiente.

Aki ta sigui un resúmen kòrtiku di e eksigenshanan ku ta bin dilanti den e dekreto kontra Molèster pa Garashi Boneiru (A.B. 2009, no. 12). Lo por haña e teksto completo di e dekreto aki riba e *web site* di gobièrnu di Boneiru: www.bonairegov.an

General

- Mantené e garashi i den besindario limpi.
- Bai poko poko ku energia (koriente); hasi uso di aparato ku no ta gasta energia.
- Sòru pa instalashon di koriente ku ta seif.

Sonido

- Sòru pa habitantenan den besindario no tin molèster di zonido duru.
- No mester por skucha radio te pafó di e edifisio.

Suela / flur

- Ku eksepsion di awa, niun otro tipo di líkido no mag pasa bai den tera / flur.
- Den e lokal di trabou, e magazine, i e espasionan kaminda e tanki di reserva di líkido ta, mester tin flur di betòn pa evitá ku líkido ta pasa bai den suela.
- Kontrolá e tankinan, baki ku ta fangu líkido i flur tur aña.
- Warda zeta nobo, zeta di brek, 'koelvloeistof' i otro líkido den empake será,
- Pone e empakenan den un baki di fangu líkido ku no ta pasa awa, ku no ta lèk, ku ta sufisientemente grandi. E baki di fangu líkido mester por karga por lo ménos mesun tantu ku e empake di mas grandi plùs 10 % di tur otro empake aserka.
- Áwaseru no mag di kai den e baki di fangu líkido.

- Limpia líkido ku mòrs un bes. Anda ku e pipita pa apsorbé líkido i paña pa hasi limpi manera ku ta sushi / desperdisio peligroso.

Sushi / desperdisio

- Mantené e siguiente sushinan den empake apart ku etikèt riba dje:
 - Zeta prosesá i lubrikante
 - Zeta di brek i líkido hidróuliko usá
 - 'Koelvloeistof' usá
 - Bateria bieu
 - Paña pa hasi limpi, i pipita pa apsorba líkido
 - Metal
- Warda sushi líkido apart den tanki òf empake será destiná pa esaki.
- Pone e tankinan òf empakenan den un baki di fangu líkido ku no ta pasa awa, ku no ta lèk, ku ta sufisientemente grandi. E baki di fangu líkido mester por karga por lo ménos mesun tantu ku e empake di mas grandi plùs 10 % di tur otro empake aserka.
- Entregá sushi i awa sushi solamente na un kolektadó rekonosé. Warda e resibu di entrega di e material.

Awa sushi

- E reglanan ku ta konta pa deshasí di awa sushi lo drenta na vigor na momentu ku e garashi ta riba e ret di 'riolering'.

Material peligroso

- Material peligroso ta material ku tin etikèt indikando ku nan ta peligroso òf e restu di e material peligroso aki.
- Warda material peligroso den un depósito ku por resistí kandela.
- Sòru pa warda materialnan peligroso ku por reashoná riba otro separá.
- Warda material peligroso den empake será ku un etikèt ariba.
- Limpia líkido ku mòrs un bes.
- Kologá bòrchi ku instrukshonnan bon kla tokante medida di seguridat i pone tur personal na altura di esaki.
- Pone e bòrchi di atvertensia 'Prohibí pa huma' riba porta di depósito di materialnan peligroso.

Gas

- Bòter di gas i e reguladó di preshon mester ta di kùr.
- Pone bòter di gas ku ta lèk un bes pafó, i pone un bòrchi na dje ku e indikashon 'Ta lèk'.
- Sòru pa kumpli ku e eksigenshanan di medidanan di seguridat.
- Ora ta trata di bòter di gas ku tin gas inflamabel, por ehèmpel pa lasmentu, mester tin un aparato di paga kandela ku ta tin por lo ménos 6 kg di puiro pa paga kandela.
- E aparato di las mester ta na un lugá ku un posishon fiho.

Seguridat kontra kandela

- Sòru pa tur aparato di paga kandela i slan di awa ta na un lugá bon visibel i ku nan ta fásil pa alkansá i kla pa usa.
- Sòru pa e aparatonan i medionan di paga kandela ta kumpli ku e eksigenshanan stipulá via lei.
- Laga kontrolá e aparatonan i otro medionan di paga kandela tur aña.
- Humamentu i kandela habri ta prohibí. Pone bòrchi di atvertensia pa esaki.
- Ta permití pa kòrta, las i sleip (mula).

Garashi

- No spùit òf bari manda afó zeta, vèt i awa ku plama riba flur.
- Sòru pa tin suficiente fentilashon di airu.
- Bai ku kuidou ku kandela, lasmentu i kòrtamentu.
- Usa un baki pa fangu zeta/vèt ku por sera.
- Evitá ku stof di e sistema di brek ta plama rònt.
- Por warda no mas ku 8 karkacha di outo (outo kibrá) sin ku esakinan tin líkido i bateria den nan.
- No pone e outonan kibrá (e karkachanan) riba otro.

Spùit ku ferf i tratamentu di kontra frus

- E kabina kaminda ta spùit outo mester tin un flur di betòn i ku un instalashon di chupa airu ku filter.
- Kambia e filternan na tempu.
- No kousa molèster ku e dam / stom i holó di spùit.
- Sòru pa kumpli ku e eksigensha di medida di seguridat.
- Sobra di ferf i sushi disolvente ta konta komo restunan peligroso.

Baterianan

- Sòru pa un instalashon di koriente ku no ta chispa kandela i tambe pa lampinan speshal.
- Kòrda paga koriente ora ta kita òf pone bateria.
- Ventilá e espasio ora ta karga bateria.
- Sòru pa kumpli ku e eksigensha di medida di seguridat.
- Humamentu i kandela habri ta prohibí. Pone bòrchi di atvertensia kontra esakinan.

Èrko di outo

- Yena i hasi èrko di outo bashí solamente ku un aparato speshal pa esaki.
- Fangu e 'koelmiddel' (freon) for di e aparato.
- No laga e 'koelmiddel' (freon) sali ora ta drecha e aparato.

Kalentá i fria

- Sòru pa e aparato ta bon alkansabel.
- Laga kontrolá e aparato tur aña.

Atministrashon

- Warda tur resibu di esun ku ta rekohé sushi i awa sushi serka bo.
- Mantené un buki unda bo ta nota e inspekshonnan di tur aña i tambe notashon di e mantenshon di flurnan, tankinan i bakinan ku ta fangu zeta/vèt.

E dokumentu aki ta kontené un bista ariba riba di loke tin pone den e stipulashon di lei. Den kaso di diferensha di opinion no por hasi un apelashon riba e publikashon aki. Konsulta semper e leinan i reglanan mes.



Kolofon:

Revista di informashon Naturalesa i Medio Ambiente no. 031201P
Mart 2012

Teritorio Insular di Boneiru
Servisio di Ordenamentu Teritorial i Maneho
Sekshon Maneho di Medio Ambiente i Naturalesa
Kaya Amsterdam 23
Kralendijk
Tel.: 717 – 8130
Faks: 717 – 6980

www.bonairegov.an